



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj:
Sarajevo, __. __. 2023. godine

Na osnovu člana 31. stav (1) tačka b) i člana 77. stav (1) Statuta Grada Sarajeva („Službene novine Kantona Sarajevo”, broj 7/23), Gradsko vijeće Grada Sarajeva, na __. sjednici održanoj dana __. __. 2023. godine, primilo je k znanju

Informaciju o realizaciji Projekta „Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljavanje)” za 2022. godinu

PREDSJEDAVAJUĆI GRADSKOG VIJEĆA

Jasmin Ademović

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

**INFORMACIJA
O REALIZACIJI PROJEKTA
„MODEL POBOLJŠANJA ENERGIJSKE EFIKASNOSTI U ZGRADARSTVU NA
PODRUČJU KANTONA SARAJEVO U FUNKCIJI POVEĆANJA BROJA KORISNIKA
(OMASOVLJAVANJE)“ ZA 2022. GODINU**

Predlagač: Gradonačelnica
Obrađivač: Služba za urbano planiranje,
investicije, stambene i komunalne poslove

Sarajevo, juni 2023. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



I UVOD

Projekat se provodi u skladu sa zaključenim Sporazumima o realizaciji „Modela poboljšanja energijske efikasnosti u zgradarstvu na području Kantona Sarajevo u funkciji povećanja broja korisnika (omasovljenje), tzv. Model EE, te u skladu sa potpisanim Aneksima Sporazuma. Vlada Kantona Sarajevo, Grad Sarajevo i općine Kantona Sarajevo potpisale su Sporazum o realizaciji Modela EE kojim se definiše i pruža podrška građanima Kantona Sarajevo da pod povoljnim uslovima utopile svoje objekte. Na ovaj način građani dobivaju subvencioniranje 45% troškova utopljanja objekata. Vlada Kantona Sarajevo je, putem Ministarstva prostornog uređenja, građenja i zaštite okoliša Kantona Sarajevo, nositelj realizacije Modela EE. Za korisnike/aplikante finansira izradu projektne dokumentacije i energetskog audita, udio u implementaciji mjera energetske efikasnosti u iznosu 5%, a za korisnike vangradskih općina Kantona Sarajevo 10%, finansira fond solidarnosti, sufinansira kamatnu stopu 3% za korisnike Modela EE koji za finansiranje implementacije mjera EE budu uzimali kredit kod partnerskih banaka. S ciljem upoznavanja građana o prednostima, EE finansira edukacije građana i promotivne kampanje.

Grad Sarajevo se obavezao na sufinansiranje 10% troškova implementacije utopljanja objekata za korisnike sa teritorije 4 gradske općine.

Općine Kantona Sarajevo obavezale su se sufinansirati 30% troškova implementacije utopljanja objekata, za korisnike sa teritorije svojih općina.

U toku proteklih godina (2020., 2021. i 2022. godina), projekat se realizira samo na području općine Novo Sarajevo te shodno tome u nastavku se daje pregled aktivnosti.

II PODUZETE AKTIVNOSTI NA REALIZACIJI PROJEKTA U 2022. GODINI

U okviru projekta „Model poboljšanja energijske efikasnosti u zgradarstvu na području Kantona Sarajevo u funkciji povećanja broja korisnika (omasovljenje)” okončani su radovi koji su već bili ugovoreni još u 2021. godini, i to na jednom objektu u ulici Mustafe ef. Pandže 163a, a u skladu sa potpisanim Aneksom Sporazuma (broj: 01/08-11-4240-6/20, od 21.09.2020. godine).

U maju 2022. godine potpisan je još jedan Aneks Sporazuma za implementaciju mjera na individualnim objektima sa područja općine Novo Sarajevo (broj: 01/09-11-3231-2/22 od 17.05.2022. godine). Implementacija ovog projekta provodi se na 8 od ukupno 10 individualnih objekata na području općine Novo Sarajevo.

Do kraja 2022. godine radovi su se aktivno izvodili na šest lokacija, i to na adresama: Muhameda Ridžanovića 8, Ruđera Boškovića 10, Vrbaska 22, Posavska 12, Nevesinjska 30, Nevesinjska 26a.

Radovi su bili u pripremi za objekte na adresi: Kupreška 7a, i Ruđera Boškovića 1. Od učešća u projektu odustali su vlasnici dva objekta, i to u ulici Kupreška 37 i Pavla Lukača 5.

Ukupna ugovorena vrijednost radova sa PDV-om iznosi 352.065,98 KM, od čega Grad Sarajevo sufinansira 10% od naprijed navedenog ugovorenog iznosa.

Okončanje svih radova na navedenim objektima očekuje se do kraja 2023. godine.

Važno je istaći da je Gradu Sarajevu dostavljen Zaključak Vlade Kantona Sarajevo, broj: 02-04-38266-21/22 od 29.09.2022. godine, kojim su usvojene izmjene i dopune Modela poboljšanja energijske efikasnosti u zgradarstvu na području Kantona Sarajevo u funkciji povećanja broja korisnika (omasovljenje). Predočenim izmjenama i dopunama Općine i Grad nisu više u obavezi da sufinansiraju ovaj projekat, međutim neće im se uskratiti to pravo ukoliko odluče da žele nastaviti sa sufinansiranjem na način na koji oni sami odluče.